

大清會典

內務府



大清會典卷之

內務府

掌儀司二

凡朝賀設樂。

皇帝率羣臣朝賀


皇太后。朝儀均詳禮部。設中和韶樂於

慈寧宮左右檐下。設丹陛大樂於

長慶門內左右。

太和殿朝賀禮成。

皇帝御



乾清宮。

皇后率

妃

嬪朝賀。諸

皇子

皇孫咸朝賀。設中和韶樂於

乾清宮左右檐下。設丹陛大樂於

乾清門內左右。

皇后受

妃

嬪暨

皇子

皇孫朝賀。設中和韶樂於

交泰殿左右檐下。設丹陛大樂於

乾清宮後左右。均北嚮。樂工以內監充之。

凡... 皇孫朝賀。設中和韶樂於交泰殿左右檐下。設丹陛大樂於乾清宮後左右。均北嚮。樂工以內監充之。

親蠶。設壇於西苑。

皇后躬饗

先蠶。儀詳禮部。執事女官。典儀一人。贊引二人。傳贊三人。

司香一人。司帛一人。司爵一人。奉福酒。接福酒。

各一人。奉福胙。接福胙。各一人。以上各前引十人。相儀二人。補闕八人。執事有遺闕者。補之。均於宮人內選充。如不足數。於內府及八旗命婦內選充。置桑田於

先蠶壇東南。建繭館。織室。蠶宮。二十七。從室。於

壇東北。設蠶母二人。於內外命婦中。擇高年嫺禮儀者充之。蠶婦二十七人。擇內苑熟悉蠶事者充之。均由府選擬奏請。蠶初生。

皇后躬採桑於桑田。

儀詳禮部。

從採

妃

嬪二位。由府奏請

欽命。公主親王福晉以下。縣君鎮國公夫人以上。三人。文三品武二品官以上命婦四人。由禮部開列送府奏請。蠶母率蠶婦助採。蠶婦居蠶室。視蠶之眠起而謹飼之。董以蠶宮令一人。丞一人。由宮殿監督領侍。於首領內監內選擬奏請。及繭成。

皇后獻繭於

皇太后

皇帝。

親詣織室。繅三盆手。儀詳禮部皆以蠶母贊其禮。歌採桑辭十人。司金鼓拍版六人。司笙簫篴十有八人。執采旗四十人。皆以內監充之。凡

慈寧宮筵燕恭遇

皇太后聖壽元日。於正月初二日設燕各慶典前期禮部疏請得

旨。戒所司庀饌。尚膳內管領庀

皇太后

皇后御筵餉饌

貴妃

妃

嬪饌筵。親王郡王各進饌筵牲酒。不足者。光祿寺備具以足。四十席。豫期請

命進酒大臣命婦。至日。武備院張黃幕於

慈寧門外階下正中。內管領設反坫於幕下。廣儲司

設陳尊罍卮筯於坫上。內鑾儀衛設

皇太后儀駕。本司內監設樂懸如儀。尚膳女官內管領妻。設

皇太后御筵於

寶座正中。南嚮。東設

皇后筵。西南嚮。稍後設

貴妃

妃

嬪筵。又後設公主。福晉以下。鄉君。八分公夫人。以上。席。重行。丹陛上。設公侯伯子男滿一二品。大臣命婦。侍衛妻。席。重行。均東西相嚮。設慶隆。舞大臣席一於門外之東。西嚮。黃幕旁。左設禮部堂官。右設內務府堂官。席各一。東西嚮。屆時。內監引公主。福晉以下。二品以上命婦。咸朝服。自永康右門入。進。

慈寧門。序立於丹墀。禮部堂官轉傳內監。奏請

皇后率

貴妃

妃

嬪。禮服。乘輿出。

啓祥門。前引命婦八人恭導。由

慈祥門入。至

徽音左門外降輿入。

皇后進殿內東嚮立。

貴妃

妃

嬪隨入。東西序立。公主。福晉。命婦。按翼於丹陛上。東西面序立。均北上。引禮女官。奏請

皇太后御慈寧宮。內監接奏。

皇太后禮服出宮。中和韶樂作。奏豫平之章。

皇太后陞座。樂止。引禮女官。引公主。福晉。以次入

殿。大臣命婦。於丹陛上各就位。

皇后

貴妃以下。皆一拜。坐。公主。福晉以下。皆一叩。各就坐。尚膳女官。內管領。妻。升。通御筵。降。迺進茶。丹

陛。清樂奏海宇昇平日之章。尚茶女官率尚茶婦。舉茶案。由中道進至檐下。闔外正中。北嚮跪。進茶女官奉茶。由中陞升。至

皇太后座前跪進茶。退立西旁。

皇太后飲茶。

皇后率

貴妃

妃

嬪行一拜禮。公主以下均行一叩禮。進茶女官跪受茶碗。由右陞降。出中門。

皇后坐。衆皆坐。大臣命婦進

皇后茶。侍衛命婦分

賜貴妃

妃

嬪。公主。福晉。命婦茶。

皇后率

妃

嬪以下。於本位行一拜禮。飲畢。復行一拜禮。尚茶。女官率尚茶婦等徹茶案。退。樂止。迺進酒。內管領妻二人。自反坫奉壺爵。一人奉卮。由中道進

至檐下左楹前。丹陛清樂奏玉殿雲開之章。進酒。大臣命婦出席。

皇后以下皆起。立於本位。進爵。大臣命婦入

殿正中。北面跪。

皇后率

妃

嬪以下跪於坐次。內管領妻奉壺酌於爵。由中門入。西嚮跪。授進酒。大臣命婦退。進酒。大臣命婦奉爵。興。由中陞升。跪。

皇太后座右進酒。興。由右陞降。至原位跪。



皇太后進酒。進爵大臣命婦行一叩禮。

皇后率

妃

嬪以下行一拜禮。進酒大臣命婦由右陞升。跪受爵。仍由中陞降。跪。內管領妻入跪受爵。退。

皇后以下皆起。內管領妻一人酌金卮以入。

賜進爵大臣命婦酒。大臣命婦受一叩飲。內管領妻

立受卮。退。進爵大臣命婦一叩興。

皇后以下皆坐。進爵大臣命婦出就席坐。尚膳女官

率尚膳婦進饌。殿廷清樂奏萬象清寧之章。尚

膳女官內管領妻承

懿旨。分賜餽饌於各席。徧樂止。內監下

慈寧宮簾。禮部滿堂官引慶隆舞進至丹陛。舞揚烈

舞。畢引隊舞大臣進至丹陛。舞喜起舞。尚茶婦

等舉反坫進至

殿陛下。大臣命婦進

皇后酒。侍衛妻分

賜貴妃

妃

嬪。公主。福晉。命婦等酒。

大清會典  
皇后率

妃

嬪以下一拜。飲畢。一拜。坐。隊舞退。笳吹作。奏畢。朝  
鮮國俳進。百伎並作。退。尚膳女官內管領妻升  
徹御筵降。

皇后

貴妃

妃

嬪於殿內。公主福晉命婦於丹陛上。排班謝燕。行  
二肅一跪一拜禮。丹陛大樂作。奏正平之章。禮

畢。樂止。女官跪奏禮成。

皇太后還宮。中和韶樂作。奏履平之章。樂止。引禮女官

恭導

皇后

貴妃

妃

嬪降階出

徽音左門。陞輿還宮。內監引公主。福晉命婦各退。  
皇子成婚。公主下嫁。設燕

皇太后宮儀同

皇太后宮。

凡恭進饌筵。元日。正月十四。十五日。歲除日。

皇帝

皇太后宮。皆進饌筵。內務府總管一人省視恭進。

妃

嬪暨諸

皇子。公主。均頒饌筵。有差。○恭遇

皇太后聖壽。

皇帝萬壽聖節。

皇后千秋令節。各進饌筵如儀。台

凡賜茶恭遇

皇帝御殿。移文尚茶備茶。屆期。分委護軍執事人等。

分賜丹墀兩翼文三品武二品以上各官及外

國使臣。茶。由內務府官監視。

凡進時憲書。歲以十月朔。欽天監監正齋至

太和門。授本司官齋至

乾清門。授宮殿監督領侍等恭進。

凡進春。歲以立春日。禮部率順天府官恭進

皇太后宮春山土牛。本司官補服導引。由

永康左門至

大清會典  
慈寧門。授內監接進。安設於

皇太后宮。恭進

皇帝

皇后春山土牛於

後左門外。本司官導引至

乾清門。授內監奉進。恭呈

皇帝御覽。仍奉出。安設於

太和殿。恭進

皇后春山土牛。安設於

保和殿。

凡恭紀

玉牒黃冊。據宗人府來文。具奏請

旨。俟宮殿監督領侍等承

旨。以未載入

玉牒之

妃

嬪等封號。姓氏。父族。未載入

玉牒黃冊之

皇子

皇女

皇孫

皇孫女某。行幾。某年月日時生。及母氏。收生婦。詳書於冊。授內務府總管。封送宗人府。

凡

皇子婚禮。先期移文欽天監。諏吉以

聞。迺

命夫婦偕老之大臣。傳

制曰。以某官某人之女某氏。作配

皇幾子為福晉。傳

制畢。福晉父率闔族謝

恩。行三跪九叩禮。擇吉

簡內大臣侍衛。隨

皇子詣福晉家。行定親禮。福晉父率闔族迎於大

門外。延

皇子入。至正寢。於福晉父母前行三叩禮。畢

皇子回宮。福晉父率族送於大門外。諏吉。行納徵

禮。金項飾一。金充耳六。皆飾以東珠。金簪大小各

三。皆飾以珠。表裏百端。棉三百斤。貂皮百四十。白

狐皮九十。狐皮百六十。以內務府總管。宮殿監督

領侍。充使。賜福晉父母冠服。簪環。金帶。鞍馬。筵

大清會典  
五十席。羊三十六。酒五十尊。及門。福晉父母迎入中堂。謝。

恩。行三跪九叩禮。與燕大臣。陪福晉父及族人之在官者。燕於中堂。內務府總管命婦女官。同與燕命婦。陪福晉母暨諸婦。燕於內室。乃作樂陳戲。賓主酬酢畢。中堂謝燕。行一跪三叩禮。內室謝燕。行二肅一跪一叩禮。內務府總管暨宮殿監督領侍等。回朝復。

命。成婚前一日。

皇子於

皇太后

皇帝

皇后前行禮。福晉母率諸婦至。

皇子宫所居宮中。設牀帳粧奩。工部張二棚於

皇子宫側。皆結采。成婚日。設燕六十席。羊四十五。

酒六十尊。禮部傳集與燕大臣侍衛各官。暨與

燕命婦。延福晉父暨族人。福晉母暨諸婦。分棚

筵燕。如納徵儀。屆吉時。於

皇子宫設二席。東西嚮。設酒饌案於前。置兩爵兩  
盃於案。請

皇子西面。福晉東面。相嚮行兩拜禮。各就坐。執事者執金瓶。女官以盃爵酌酒合和以進。皇子與福晉皆飲。乃進饌。酒饌三行。皇子與福晉皆起。仍行兩拜禮。徹饌案。次日。皇子偕福晉朝見。

皇太后

皇帝

皇后。女官二人引。

皇子居左。稍前行。三跪九叩禮。福晉居右。稍後行。六肅三跪三叩禮。

皇孫婚禮。與

皇子同。惟羊酒筵燕有差。

凡公主下嫁之禮。前期。欽天監諏吉以

聞。迺

命大臣傳

制曰。以某官某之子。尚某公主。傳

制畢。本官率闔族謝

恩。行三跪九叩禮。擇吉納徵。授額駙爵。額駙詣

皇太后宮

皇帝

皇后宮門前行禮。恭進納徵禮於

午門外。

詳見禮部  
理藩院是日於

保和殿設燕。集三品以上大臣。燕額駙。額駙之父。及族人在官者。王公有

特召者亦與。禮儀均如歲除筵燕之制。下嫁前一日。內府女官率執事婦女。至額駙府第。設牀帳。陳糴奩。下嫁日。

欽命皇子福晉。或近支王福晉。貝勒夫人。送至公主府第。是日設燕。延額駙父暨族人在官者。與納徵禮同。屆吉時。女使設二席於房中。東西嚮。設

酒饌案於前。置兩爵兩盃於案。請公主東面。額駙西面。相嚮行兩拜禮。各就坐。女官一人執金瓶。一人以盃酌酒。合和以進。公主與額駙皆飲。乃進饌。酒饌三行。公主與額駙皆起。仍行兩拜禮。徹饌案。次日。額駙偕公主。見舅姑行兩拜禮。舅姑立受一拜。答一拜。擇吉。公主偕額駙進宮。於

皇太后

皇帝

皇后前行禮。公主行禮於



宮中額駙行禮於

宮門外○王公之女奉

旨授爲和碩公主郡主暨宗女撫養

宮中者其下嫁之禮各視爵秩以別差等筵燕會

禮部辦理

凡燕外藩之禮歲除及正月十四十五日

賜外藩蒙古燕

欽命進酒大臣內管領備筵九十席及期武備院張

黃幕於

保和殿南正中內管領設反坫於幕下廣儲司陳

尊壘卮斝於坫上尚膳正豫陳

御筵於

寶座正中稍南

寶座下左右設外藩蒙古王公三旗內大臣并與燕

文武大臣席各五行左右各二十六

寶座左右設後扈大臣席各一僉嚮

寶座前左右設前引大臣席各二東西嚮

寶座後左右設豹尾班侍衛席各一次西設

日講起居注官席一均南嚮

殿外丹陛左右設台吉塔布囊侍衛席各三行左

大清會典  
十有三。右十有二。東西嚮。丹陛東。設理藩院堂  
官席一。慶隆舞大臣席一。均西嚮。黃幕旁。左設  
禮部堂官。右設內務府堂官。席各一。東西嚮。樂  
部設中和韶樂於

保和殿左右檐下。設丹陛大樂於

中和殿後檐下左右。均北嚮。屆時。理藩院官引蒙  
古王公台吉入。領侍衛內大臣。序蒙古王公暨  
與燕大臣等。各就班次。班齊。掌儀司官奏請

皇帝陞殿。中和韶樂作。奏隆平之章。

皇帝御寶座。樂止。蒙古王公暨與燕文武大臣侍衛

台吉。各就席。行一叩禮。坐。尚膳正尚膳副護軍  
叅領。升通御筵。降。乃進茶。丹陛清樂奏海宇昇  
平日之章。尚茶正率尚茶侍衛執事等。舉茶案。  
以次由中道進至檐下。闕外正中。北嚮跪。進茶。  
大臣奉茶入中門。羣臣皆就本位跪。進茶。大臣  
由中陞升。至

御前跪進茶。退立西旁。

皇帝飲茶。與燕之蒙古王公內大臣各官。均行一叩  
禮。進茶。大臣跪受茶碗。由右陞降。出中門。眾皆  
坐。侍衛分

賜蒙古王公各官茶。皆於本位一叩。飲畢。復行一叩禮。尚茶正等徹茶案。退。樂止。乃進酒。掌儀司官二人。自反坫奉壺爵。一人奉卮。由中道進至檐下左楹前。丹陛清樂奏玉殿雲開之章。進酒大臣出席。釋端罩。元宵補服羣臣皆起立。進酒大臣入殿內正中。北面跪。羣臣皆於坐次跪。掌儀司官奉壺酌酒於爵。由中門入。西嚮跪。授大臣。退。進酒大臣奉爵。興。由中陛升。跪。寶座右進酒。由右陛降至原位。跪。皇帝進酒。進爵大臣行一叩禮。羣臣皆隨行禮。進爵

大臣由右陛升。跪受爵。仍由中陛降。跪。掌儀司官入。跪受爵。退。羣臣皆起。掌儀司官一人。酌金卮入。

賜進爵大臣酒。大臣受卮。一叩。飲。掌儀司官立受卮。退。進爵大臣一叩。興。羣臣皆坐。進爵大臣出。加端罩。元宵補服入席坐。尚膳正等率尚膳進饌。殿廷清樂奏萬象清寧之章。尚膳正等承

旨。分賜餽饌於各席。徧樂止。慶隆舞進。舞揚烈舞畢。隊舞大臣進殿中。舞喜起舞。所司舉反坫進至殿陛下。近。

御侍衛酌卮酒。升至

御前。

皇帝簡召王公大臣賜酒。領侍衛內大臣起立。視侍衛徧

賜殿陛王公大臣台吉侍衛酒。羣臣咸跪受。一叩飲。畢。一叩坐。隊舞退。笳吹作。奏畢。朝鮮國俳進。百伎並作退。尚膳正副護軍叅領等升徹。

御筵降。鴻臚寺官引與燕蒙古王公大臣等退。出至殿外丹陛上。排班謝燕。行一跪三叩禮。丹陛大樂作。奏治平之章。禮成。

皇帝還宮。中和韶樂作。奏顯平之章。樂止。鴻臚寺理藩院官引外藩暨衆官以次退。每歲正月十六日。

皇太后燕下嫁外藩公主。郡主。縣主。郡君。縣君。鄉君。暨蒙古王公福晉夫人。儀均與正月初二日大燕同。

凡果園徵收。

南苑五園。各給地一頃十有九畝。別給贍家地各二頃十畝。歲納桃李。不徵地賦。

盛京百三十六園。給地自七十畝至二頃十畝。

畿輔民携地投充。置百四十園。地自一頃至五十頃。新增二十六園。各給地五頃。每園設園長一人。徵收之法。以丁計者。丁給地三十五畝。歲徵銀三兩。家不過六丁。如有餘丁。祇編名入籍。地不增給。丁不起徵。以地計者。投充果園。每畝徵銀五分。新增果園。每畝徵銀一錢。通計地千頃四十畝有奇。丁千二百六十。賦九千二百三兩有奇。完欠以十分定殿最。覈功過。偶有水旱偏災。蠲賦與會計司糧莊同。歲納時果。按其直以抵丁賦。不准抵者。與雜徵同。○各園貢果。及

由司置備之乾鮮各果。均貯內果房。設未入流掌果二人。署掌果二人。司果執事十有二人。專司出納。歲委司官二人。筆帖式二人。經理以供內廷之用。其由司置備之果。即支丁賦和買。均於歲終奏銷。

畿輔果園。各選三人為承催。免其身及子孫一人丁賦。

盛京。設筆帖式二人。催長一人。領催三人。副領催三人。廣寧。設催長一人。領催三人。均隸

盛京內務府總管。三旗佐領。闕則依次選補。各園

大清會典  
充補園長。及三年一次編審。均與會計司糧莊同。

凡內監品級。及升降黜陟。據宮殿監督領侍來文。呈堂。移咨吏部。

凡學舍。景山六學。清書漢書學各三。萬善殿。漢書學一。咸安宮十有六學。清書學四。漢書學十有二。

凡教習。滿教習。簡選八旗之善於書射者充補。漢教習。景山萬善殿官學。以舉人。及恩拔。副歲貢生。咸安宮官學。以進士。舉人。由禮部奏請考

選充補。均三年期滿引

見咨送吏部。

凡官學生。景山官學。選內府三旗幼丁。每滿洲佐領下八名。旗鼓佐領下四名。內管領下六名。萬善殿官學。選幼年内監。無定額。咸安宮官學。於八旗。及內府三旗。貢監生員。及官學生內。選其秀者。每旗不過十名。

凡考校。滿漢教習。各以時訓課。景山官學。每五年一次考試。考列一二等者。以筆帖式。庫使。錄用。餘仍留學。咸安宮官學。每五年一次奏請。

欽命大臣考試。考列優等者。引

見以各部七品八品筆帖式錄用。一二等者。分別獎賞。劣者。黜之。

凡藥房合藥。由藥房官會同太醫院醫官。敬謹監視。合和合藥醫士。內管領下十名。召募民醫生二十名。

凡藥料。由太醫院醫官詳驗。擇其佳者。送藥房備用。

凡奏銷。每歲伏暑。設暑湯。除夕進蒼朮。及隨時所用藥料。均三月一次具奏。歲於五月具黃冊

奏銷。人參酌數。奏請備用。用將完。以服參之人。及用參若干具奏。如前奏請。於廣儲司茶庫支領。



--	--	--	--	--	--	--	--	--	--	--	--	--	--	--	--	--	--	--	--

臣



